

TARIFAS DE ARBITRAXE COMITÉ GALEGO DE XUÍCES

TARIFA BASE POR XORNADA

(En vigor dende o 18 de xaneiro de 2025)

XUÍCES – 30,61 € (Pista e Ctos. de Galicia/España)

XUÍCES – 24,49 € (Ruta, Trail e Campo a Través)

ASPIRANTES – 15,30 €

DEFINICIÓN DE XORNADA

A xornada contabilizarase dende o inicio oficial da competición segundo o horario da mesma, ou hora de incorporación do xuíz se é posterior ao inicio da competición, ata a finalización do traballo de cada xuíz. A finalización da xornada considerarase dende o momento en que o director de reunión comunica ao xuíz que xa non o require na competición. Nese momento darase a xornada xuíz por rematada.

A duración máxima da xornada en competicións de pista ou ruta será de 4 horas. En casos excepcionais nos que se supere a dita duración máxima de 4 horas, pagarase a tarifa x 1,5 aos xuíces implicados en ditas probas ata as 4 horas e 30 minutos, e pasado ese tempo pagarase tarifa x 2

Nas competicións nas que se supere a xornada de 4 horas en dúas xornadas abonarase a tarifa 1,5 soamente nunha delas cando a suma do exceso das dúas xornadas sexa igual o inferior a 30 minutos.

Nas probas de trail pagarase a tarifa base x 2 en probas con duración maior de 4 horas e a tarifabase x 2,5 en xornadas ininterrompidas de máis de 6 horas.

TARIFAS SEGUNDO POSTO DO XURADO

XUÍZ ÁRBITRO	tarifa base x 2
DIRECTOR DE REUNIÓN.....	tarifa base x 1,5
DIRECTOR TÉCNICO	tarifa base x 2
XUÍZ XEFE CRONOMETRAXE TRANSPONDEDOR.....	tarifa base x 1,5
XUÍZ XEFE EDM	tarifa base x 1,5
XUÍZ XEFE MARCHA**	tarifa base x 1,5
PRESIDENTE XURADO APELACIÓN	tarifa base x 1,5
COORDINADOR DE SAÍDAS.....	tarifa base x 1,5

Sempre que estas tarefas se desenvolvan en toda a súa integridade (incluíndo o envío do

informe en tempo e forma) e non supoñan o mesmo traballo que o resto dos membros do xurado, nin estean incluídas nas obrigas xa remuneradas por outros cauces. En caso de compatibilizarse varios postos, estas cantidades non serán acumulativas e cobrarase a tarifa máis alta de todos os postos nos que actuou o xuíz na mesma xornada.

De cara ao cálculo de xornada e media ou dobre xornada descrito no primeiro apartado, terase en conta as tarifas descritas segundo o posto na táboa anterior, agás cando non se estivera realizando o dito posto durante toda a xornada. Nese caso o exceso de xornada calcularase sobre a tarifa base.

** No caso de que se utilice a aplicación RFEA – CNJ de notificacións de marcha e o secretario de marcha prepare a mesma para a súa utilización, xerando a folla resumen ao rematar a proba, o extra de tarifa base x 0.5 do Xuíz Xefe de marcha compartirase co secretario de marcha.

SUPLEMENTOS PROBAS DE RUTA

- Suplemento de tarifa x 1,5 para as probas de ruta que comecen antes das 8:00 ou rematen despois das 23:00 horas independentemente da súa duración.
- Suplemento de tarifa x 2 para as probas de ruta que rematen despois das 00:00 horas independentemente da súa duración.

FOTO FINISH

XUÍZ XEFE DE FOTO FINISH.....tarifa base x 2

OPERADOR DE FOTO FINISH EN FORMACIÓNtarifa base

O responsable de fotofinish do Comité Galego de Xuíces marcará as directrices a seguir para considerar cando un operador de fotofinish está en formación.

DIRECCIÓN TÉCNICA

Adxunto de Dirección Técnica (cando sexa necesario):

- En controis ou Campionatos dunha xornada: Tarifa de Xuíz
- En Campionatos de Galicia de dúas xornadas ou España: Tarifa Director Técnico

DESIGNACIÓNS DO COMITÉ GALEGO DE XUÍCES

Suplemento de 20 € para **XUÍZ ÁRBITRO** e **PRESIDENTE DE APELACIÓN** sempre e cando se reciba o informe correspondente en tempo e forma.

En caso de compatibilizarse varios postos do xurado as cantidades non serán acumulativas e cobrarase a tarifa máis alta de todos os postos nos que actuou a persoa na mesma xornada

NORMATIVA DE DESPRAZAMENTO EN COCHE

Cando se despracen xuíces da mesma delegación haberán de facelo xuntos, salvo casos especiais e previa consulta. Os desprazamentos pagarase en función da quilometraxe realizada.

O xuíz que leva o coche terá que facilitar a recollida e o retorno ao seu domicilio dos xuíces queo acompañan, especialmente se a saída é anterior ás 8:00 ou a chegada é máis tarde das 22:00 horas.

A viaxe de volta debera iniciarse inmediatamente tras o remate da xornada de todos os xuíces do vehículo, agás que por unanimidade dos ocupantes do vehículo se acorde outra decisión.

Os xustificantes de pago hai que envialos á FGA con data límite o mércores seguinte da competición. De non facelo nese prazo perderase o dereito a cobralo, salvo xustificación debidamente documentada.

NORMATIVA ALOXAMENTO

Os aloxamentos de xuíces para aquelas competicións nas que sexa necesario serán xestionados polo Comité Galego de Xuíces. Non se aboarán reservas ou xestións feitas de xeito particular, sen aprobación do Comité Galego de Xuíces.

TARIFAS DE DESPRAZAMENTO EN COCHE

Existen dous tipos de desprazamento:

- a) Desprazamento dentro da propia delegación para cubrir probas que estean dentro do ámbito territorial da delegación.

Neste caso só se abonará desprazamento se a distancia percorrida e superior a 25km (ida mais volta).

Ademais, pagarase o quilometraxe en función da ocupación do vehículo segundo o modelo [Folla de Xustificación de Gastos e Desprazamento Delegacións](#) salvo naqueles casos que sexan coordinados polo delegado, minimizando o número de vehículos, nos que se pagará a tarifa de desprazamento estándar.

- b) Desprazamento entre delegacións, para cubrir probas que estean dentro do ámbito territorial de outra delegación.

Aboarase o desprazamento a 0,26 €/km e as peaxes de autoestrada (obrigatorio a presentación dos tickets).

Estes desprazamentos teñen que ser coordinados e autorizados polo CGX e se utilizará a [Folla de Xustificación de Gastos de Desprazamento CGX](#)

Ademais, aboaranse as seguintes cantidades aos xuíces polo tempo invertido na viaxe:

Quilometraxe percorrida (ida e volta)*	Ocupante do vehículo
De 50 a 100 km só entre delegacións	5 €
De 101 a 200 km	10 €
De 201 km a 400 km	20 €
Máis de 400 km	30 €

**A quilometraxe a ter en conta para o suplemento do cadro anterior será a marcada por Google Maps na ruta máis rápida entre a sede da delegación do xuíz e a sede da competición.*

*** Consultar a Normativa FGA Abono Desprazamentos*



TARIFAS DE MANUTENCIÓN

O organizador deberá proporcionar as comidas a todos os membros do xurado, especialmente en probas con xornadas de mañá e tarde ou de varios días.

En caso de que non se proporcione a comida por parte do organizador, terase dereito a reembolsar os gastos de comida ou cea en competicións de mañá e tarde ou cando non sexa posible a chegada ao lugar de procedencia antes das 15.00 no caso das comidas ou das 23:30 no caso das ceas.

Nos casos descritos no punto anterior, aboarase ata 18€ por comida ou cea sempre mediante presentación de recibos/tickets.

NOTA FINAL

Este documento reflexa as tarifas e normativas relacionadas cos postos do xurado xestionados polo CGX. Outros postos ou cargos dunha competición federada non compete ao CGX a súa regulación e polo tanto son decididas directamente pola Federación Galega de Atletismo ou outro organismo con control sobre a competición.